



Iesus guarit vn enfant muet & lunatique, & reprend ses Apostres de leur infidelité.

LORS que Iesus fut descendu de la montagne, vne grande troupe le vint saluer, vn desquels luy dit, Ie t'ay amené mon fils vnique, qui a vn esprit muet : Seigneur aye pitié de luy, il est lunatique, & miserablement tourmenté, car il chet souuent au feu & en l'eau; par tout où l'esprit le prend, il le déchire, & lors il écume & grince les dents. Ie l'ay présenté à tes Disciples, mais ils ne l'ont peu guarir. Et Iesus répondant, dit, O gent infidele, & peruerse ! iusques à quand seray-ie avec vous, & vous endureray-ie ? Amenez-moy l'enfant, & le pere luy dit : Si tu peux quelque chose, aye compassion de nous. Iesus luy dit, Si tu peux croire, il sera fait, toutes choses sont possibles aux croyans. Lors avec larmes le pere de l'enfant s'écria, disant : O Seigneur, deliure-moy de mon incredulité. Et Iesus ayant pris l'enfant par la main, le fit leuer, & le rendit à son pere tout guarý, dont chacun fut estonné de la magnificence de Dieu. Et les Apostres vindrent à Iesus, & s'estans informez pourquoy ils ne l'auoient peu guarir, le prierent d'augmenter leur foy.

S. Matthieu Chap. 17. S. Marc Chap. 9. S. Luc Chap. 9.